



PARLAMENT DE CATALUNYA

Mocion 21/X deth Parlament de Catalonha, sus er exercici der autogovèrn deth pòble aranés

Tram. 302-00036/10

Plen deth Parlament

Eth Plen deth Parlament, ena session deth 23 de mai de 2013, cossent damb er article 139 deth Reglament, a debatut era Mocion subsegüenta ara interpellacion ath Govèrn sus er exercici der autogovèrn deth pòble aranés (tram. 302-00036/10), presentada peth deputat Àlex Moga i Vidal, deth Grop Parlamentari de Convergència i Unió, e es esmenes presentades peth Grop Parlamentari de Ciutadans (reg. 16932) e peth Grop Parlamentari d'Iniciativa per Catalunya Verds - Esquerra Unida i Alternativa (reg. 16978).

Finaument, cossent damb çò qu'establís er article 139 deth Reglament, a aprovat era següenta

Mocion

1. Eth Parlament de Catalonha reconeish Aran com ua realitat occitana dotada d'identitat culturau, istorica, geografica e lingüistica, defenuda pes aranesi ath long des sègles, e reconeish, empare e respècte era singularitat, laguens de Catalonha, d'Aran, entitat territoriau objècte d'un particular emparament per mejan d'un regim juridic especiau.
2. Eth Parlament de Catalonha exprimís era plea adesion as actes de celebracion deth 700 anniversari d'Era Querimònia, privilègi autreat per Jaume II eth Just eth 23 d'agost de 1313, que constituís eth dret istoric d'Aran, e siguec confirmat ath long deth temps pes monarques successius, dempús d'Alfons IV (1328) enquia Ferran VII de Castelha (1817).
3. Eth Parlament de Catalonha acòrde impulsar era creacion d'ua ponéncia conjunta entà elaborar eth tèxte dera proposicion de lei sus eth regim especiau d'Aran, coma establís er article 117 deth Reglament deth Parlament, d'acòrd damb era voluntat deth Plen deth Conselh Generau d'Aran d'elaborar-la damb eth maxim consens.
4. Eth Parlament de Catalonha sollicite ath Govèrn de:
 - a) Dar eth maxim supòrt ara ponéncia conjunta que se constituísque entà elaborar eth tèxte dera proposicion de lei sus eth regim especiau d'Aran.
 - b) Velhar per emparament, eth foment, er usatge, era difusion e era coneishença dera lengua pròpia d'Aran.
 - c) Trabalhar entà garantir, en marc deth contèxte economic e financèr actuau, era sufisença financèra ath Conselh Generau d'Aran tà pr'amor de poder exercir er autogovèrn.

Palai deth Parlament, 23 de mai de 2013

Eth secretari prumèr
Miquel Iceta i Llorens

Era presidenta deth Parlament
Núria de Gispert i Català